



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 26. |

NOVOSTI

Prva stručna rasprava o „Nacrtu preporuka za izmjene i dopune zakona o VSTV-u“ održana je u Banja Luci, u subotu 28.01.2017.

U okviru svog projekta „ Program održivosti civilnog društva u BiH“ – Sektor Pravosudna vlast u BiH, koji podržava USAID, Forum Građana Tuzle, zajedno sa partnerskom organizacijom Helsinški odbor za ljudska prava RS iz Bijeljine, organizovali su i proveli prvu stručnu raspravu (od planiranih 5 rasprava), o „Nacrtu preporuka za izmjene i dopune zakona o VSTV-u“.

Projektna radna grupa, formirana od predstavnika sudskih i tužilačkih strukovnih udruženja iz BiH, nosilaca pravosudnih funkcija, je, nakon višemjesečnog rada, sačinila određene preporuke za izmjenu postojećeg zakona koje bi trebale da doprinesu nezavisnosti, samostalnosti i odgovornosti VSTV-a, pa samim time i sudske vlasti čime bi se doprinijelo izgradnji povjerenja u ovaj važan dio državne vlasti.



USAID
FROM THE AMERICAN PEOPLE



Završena obuka predavača CEST-a FBiH i CEST-a RS o vještinama upravljanja i proaktivnoj ulozi predsjednika sudskih odjeljenja

Obuka predavača centara za edukaciju sudija i tužilaca Federacije Bosne i Hercegovine (CEST FBiH) i Republike Srpske (CEST RS) o vještinama upravljanja i proaktivnoj ulozi predsjednika sudskih odjeljenja održana je 8. i 9. februara u Sarajevu. Obuku je organizovalo Visoko sudsko i tužilačko vijeće Bosne i Hercegovine (VSTV BiH) u saradnji s Institutom za edukaciju sudija Nizozemske i Okružnim sudom u Amsterdamu.

Svrha obuke bila je pripremiti predavače CEST-a FBiH i CEST-a RS da inovativnijim pristupom prenose stečena znanja i dalje obučavaju rukovodioce sudskih odjeljenja o vještinama upravljanja i proaktivnoj ulozi predsjednika sudskih odjeljenja. Tokom dvodnevne obuke govorilo se tehnikama i stilovima učenja i podučavanja, prednostima i važnosti timskog rada, povećanju saradnje između samih predsjednika odjeljenja korištenjem različitih tehnika i vještina komunikacije kao i poboljšanju kvaliteta odnosa između predsjednika sudskih odjeljenja i sudija.

Edukatorka je bila gđa Rosemarie Smit-Bertens, stručnjakinja iz Instituta za edukaciju sudija Nizozemske.

Obuka predavača je održana u okviru Projekta unapređenja efikasnosti II (Projekt) kojeg finansiraju Vlade Norveške i Nizozemske, a kojeg implementira VSTV BiH u saradnji s Općinskim sudom u Sarajevu i Okružnim sudom u Amsterdamu.

VSTV BiH je nakon višemjesečne provedbe projektne aktivnosti unapređenja strateškog i operativnog upravljanja u Općinskom sudu u Sarajevu, ciljnom sudu Projekta, te analizom stanja prepoznalo potrebu za uvođenjem specijaliziranih seminara za rukovodioce sudskih odjeljenja s ciljem unapređenja njihovog rada a zatim i ukupnog učinka suda. Putem ove i drugih komplementarnih aktivnosti Projekt nastoji osnažiti

ulogu predsjednika sudskih odjeljenja koja je nezamjenjiva u unapređenju kvaliteta rada sudija, ujednačavanju sudske prakse i uvođenja timskog rada.

Seminar o vještinama upravljanja i proaktivnoj ulozi predsjednika sudskih odjeljenja biće uvršten 2018. godine u redovan program obuka centara za edukaciju sudija i tužilaca FBiH i RS. Kao i u prethodnom periodu, VSTV BiH će raditi na unapređenju i postizanju boljih rezultata rada pravosudnih institucija. Preuzeto sa <http://vsts.pravosudje.ba>

Priprema odgovora na Upitnik EK-a - VSTV odgovorio na 127 pitanja

VSTV je odgovore na pitanja iz Upitnika Europske komisije (EK), za koja je bio zadužen – samostalno ili sa drugim institucijama u BiH, blagovremeno pripremio i unio u Informacijski sustav Direkcije za europske integracije BiH (DEI).

VSTV je odgovarao na ukupno 127 pitanja, od čega u okviru Političkog kriterija na 12 pitanja iz oblasti Temeljna prava i 2 pitanja iz oblasti Demokracija/regionalna pitanja i međunarodne obveze. Na Civilni nadzor nad sigurnosnim snagama, pravosuđe, borbu protiv korupcije i Poglavlje 23 odnosilo se ukupno 89 pitanja; na poglavlje 24 – Pravda, sloboda i sigurnost odnosilo se 17 pitanja; na poglavlje 7 – Intelektualno vlasništvo 5 pitanja i na poglavlje 27 – Okoliš 2 pitanja.

Sukladno utvrđenoj metodologiji za pripremu odgovora institucija u BiH na Upitnik EK, VSTV će se uključivati u dalje aktivnosti u okviru ovog procesa poput pripreme objedinjenih odgovora, prevođenja i stručne i pravne redaktura odgovora iz nadležnosti VSTV-a.

Članovi VSTV-a će na sjednici koja će biti održana 8. i 9. veljače 2017. godine biti informirani o odgovorima koji su prosljeđeni DEI-ju. Preuzeto sa <http://vsts.pravosudje.ba>

